

彊邨叢書



古山樂府序

詩盛於唐樂府盛於宋宋諸賢名家不少獨東坡稼軒傑作磊落侔儻之氣溢出毫端殊非雕脂鏤冰者所可彷彿往年僕游京師古山張公一見招置館下燈窗雪案披誦公所著樂章湛然如秋空之不雲煙然如春華之照谷淒然如猿啼玉澗昂然如鶴唳青霄晝然如庖丁鼓刀翩然如公孫舞劒千變萬態意高語妙真可與蘇辛二公齊驅竝駕然其詞林根柢實得於西巖先生之嫡傳集五采色絲成一家機軸持此黼黻皇猷彌縫袞繡豈但游戲翰墨而已哉僕不敢私閱敬錄諸梓庶使同志獲窺公之一斑云至治初元中秋日臨川李長

翁書於三山之光霽亭

古山樂府目錄

卷上

八聲甘州

青玉案

水龍吟

十八

滿江紅

五

石州慢

念奴嬌

四

滿庭芳

風流子

奪錦標

木蘭花慢

六

卷下

沁園春

八

賀新郎

二

驀山溪

鵲橋仙

三

清平樂

二

蝶戀花

江城子

望月婆羅門引

玉漏遲

臨江仙

太常引

南鄉子

阮郎歸

古山樂府卷上

邯鄲張埜埜夫

八聲甘州戊申再到西湖

憶湖光醉別幾經春千里每神馳恨無窮煙水無情歲月無限相思萬里風沙夢覺山色碧參差忙對玻璃鏡照我塵姿欲寫從前離闊便安排畫舸準備新詩見六橋遺構煙雨強撐支怨東風紅消翠減比向來渾是老西施如何得劉郎雙鬢長似當時

青玉案戊戌元宵客京師賦

千門夜色霏香霧又春滿朝天路回首舊游誰與語金波影裏水晶簾下總是關心處征衫著破愁成縷留

滯京塵甚時去旅館蕭條情最苦燈無人點酒無人舉
睡也無人覷

水龍吟詠游絲

落花天氣初晴隨風幾縷來何處飄飄冉冉悠悠颺颺
欲留還去雪繭新抽青蟲暗墜檐蛛輕度看垂虹百尺
縈回不下似欲繫春光住憑仗何人收取付天孫雲
霄機杼浮蹤浪迹忍教長伴章臺飛絮惹起閒愁織成
離恨萬頭千緒望天涯盡日柔情不斷又閒庭暮

又題湖山勝槩亭

翠微曾共登臨冷光瀲灩三千頃玉京佳處景雖天造
地因人勝若把西施淡妝濃抹兩相比竝道此閒如對

姮娥仙子慵梳掠。臨鸞鏡。滿意曲闌芳徑。早安排雨。
篷煙艇。茶甌雪卷紋楸。雹碎醉魂初醒。湖海高情。林泉
清意。幾人能領。算知音。只有中宵涼月。浸蓬萊影。

又送侍御安公陝西行臺用馬西麓韻

瘦筇攜得風煙歸。來擬待閒吟嘯。濟時人物。天公又早
安排都了。鳳詔泥封。烏臺霜凜。好音新報。見西山一帶
浮嵐滴翠。晚色又添多少。千里威聲。先到正秋風渭。
波寒早。袖中霹靂何須直。把世閒驚倒。激濁揚清。提綱
振紀。要歸中道。但從今。賸把救民長策。向燈前草。
又爲何相壽

中原幾許奇才。乾坤一擔都擔起。人人都讓廟堂師表。

吾儒元氣報國丹誠匡時手段薦賢心地這中間妙理
無人知道公自有胸中易眉宇陰功無際看階前紫
芝丹桂且休回首明波春綠聰山晚翠盛旦欣逢壽杯
重舉祝公千歲要年年霖雨變爲醇酎共蒼生醉

又游錢塘西山

一鞭空翠煙霏笑談已到山深處丹崖翠壁野猿幽鳥
冷泉高樹兜率天中蓬壺境內偶成佳遇正捫參歷井
窮探未了回首早疏鐘暮畫舸亭亭橫渡醉歸來被
誰留住雲窗霧閣羣仙應笑塵緣相誤白雪歌殘青鸞
夢覺滿身風露料明年卻向古臺高處憶桃源路
又戊戌中秋同西麓經歷祐之提舉諸公飲於太清道

院時祐之浩歌古調數曲音韻清壯座中莫不擊節
賞歎予亦效顰作此侑觴若曰樂府則吾豈敢姑就
其協律云耳

一年好景君須記桂子天香飄墜蟾光自古幾番圓缺
幾番明晦何況人生禍中藏福進中隱退向是非鄉裏
功名場上百無事苦縈繫便得侯封萬里到頭來虛
名何濟人間最好閒中歲月酒中身世一炷龍香數聲
水調幾多清致且今朝拚取陶陶醉了又陶陶醉

又和馬西麓韻

故人邂逅相逢滿懷和氣無邊際別來一載光陰回首
水流星墜白雪歌詞青雲人物知音有幾把滄溟倒卷

天瓢滿吸須拚了爲君醉
醉眼曹騰不寐直望斷長
空萬里風清露冷乾坤似
畫月華如洗夢裏遨遊藥
珠宮殿飄然得意到醒來
有句且休拈出怕驚塵世

又爲中和提點壽

袖中攜得新詩今朝來祝
吾師壽吾師何似一生清
淨澹然篤守丹骨通明霜
髯瀟灑竹堅松瘦更不須
展放壽星圖畫自是箇希
夷叟忿慾貪癡那有把玄
關近來參透黃芽白雪玉
鑪金鼎龍蟠虎走九轉功
成不妨笑傲人間長久待
從師杖屨八千餘歲肯相
容否

又爲閭靜軒壽

仙翁家住蓬壺騎麟來自
祥雲表瓊琚玉佩月裳霞
袂

炯然相照道出羲黃才過遷固文如盤詰向紫霄高處
邀翔容與知此貴世閒少 萬里江湖浩渺駕風霆有
時曾到斯文誰主大謨誰決君歸能早鈴索聲中金蓮
影裏鬢華未老看九重早晚天恩飛下歷中書考

又詠玉簪花

素娥宴罷瑤池醉簪誤墮庭深窈花神愛護紺羅輕襯
綠雲低繞秋意重緘芳心半吐有香多少把幽軒好夢
等閒薰破涼月轉人初悄 冷沁冰壺風嫋肯輕與鉛
華相照湘蘭標致水仙風度也應同調釵鳳香分鬢蟬
影動此情雲渺問何時分付一庭寒玉對妝臺曉
又登滕王閣

畫檐聳翠凌霄暮雲還送西山雨千年陳迹一時勝槩
東南賓主佩玉鳴鑾西風吹入江聲柔艣漫登臨贏得
征鞍倦客離思亂鄉心苦一夢繁華何許空留得悲
涼今古雄文健筆星輝日映鬼呵神護倚徧闌干有心
也待留題新句見一雙白鳥蒼煙影裏背人飛去

又暇日過田學士村居乃父爲司徒

翠微冷浸清溪洞天惟許仙家住主人新葺柳亭梅塢
竹軒松戶綠野風煙東山泉石少人知處怕椿翁早晚
急流勇退田園計已成趣不戀鑾坡玉署要管領東
皋朝暮君應解得風波何限功名良苦琥珀醅濃玻瓈
琖大醉扶歸路料沙頭鷗鷺也應笑我卻恩恩去

又飲劉氏野春亭用前韻

夢回花露沾衣夜來酩酊誰留住依稀猶記春風亭檻
野雲窗戶物外仙姿一聲白雪翠微深處要風流陶寫
等閒莫遣兒童輩識真趣四海知音難遇儘疏林暝
煙催暮一杯未舉兩眉長皺人生何苦只恐明朝玉驄
迷卻武陵溪路儻劉郎不厭醒時來訪醉時歸去

又出郭

太行千里新晴青山也喜歸來好一鞭秋色半帆雲影
去如飛鳥桂玉情懷塵埃面目鬢華空老道本無伎倆
顛鸞倒鳳時自把平生笑萬里江湖浩渺便安排雨
蓑煙棹閒時哦句醉時歌曲醒時垂釣十載鵷行孤忠

卻念君恩難報倚篷窗時向夕陽明處認瓊華島

又爲王少傅壽

畫堂佳氣蔥蔥玉梅迎臘香初透人生可慶官居極品
年登上壽一代風流三公儀範四朝耆舊算世閒除卻
東山謝傳問誰是調元手眉宇陰功何厚看富貴榮
華長久金章照眼綵衣戲舞桂枝聯秀尙父規模武公
勲業亨衢儘有願年年賸把普天霖雨釀長生酒

又皇慶癸丑重九登南高峰寄柳湯佐同知

重陽何處登臨玉驄慣識南山路秋空絕頂西風兩鬢
白雲雙履浙浦寒潮蘇堤畫舸吳宮煙樹不一尊瓊露
數聲金縷將此景成虛負試覓舊題詩句早爛斑雨

苔無數瓊臺寶瑟不堪重記泛觴流羽笑撚黃花閒尋
紅葉故人何處倚危闌北望燕雲晦靄又征鴻暮

又戊午春詠杏花

雪香飛盡江梅上林桃李寒猶捐牆頭驚見枯枝鬧簇
生紅初歎嫩綠亭臺新晴巷陌清明相近甚等閒句引
狂蜂戲蝶早不管人春困不怕蠟痕輕褪怕東風亂
飄殘粉瑣窗猶記雙鵝細翦一簪幽恨駿馬如飛流光
似箭歸期難準料黃昏微雨盈盈淚眼把燕脂搵
又酌辛稼軒墓在分水嶺下

嶺頭一片青山可能埋得淩雲氣遐方異域當年滴盡
英雄清淚星斗撐腸雲煙盈紙縱橫遊戲漫人間留得

陽春白雪千載下無人繼
不見戟門華第見蕭蕭竹
枯松悴問誰料理帶湖煙景瓢泉風味萬里中原不堪
回首人生如寄且臨風高唱逍遙舊曲爲先生酌
滿江紅盧溝橋

半世乾忙漫走徧燕南代北凡幾度馬蹄平踏臥虹千
尺眼底關河仍似舊鬢邊歲月還非昔竝闌干惟有石
狻猊曾相識橋下水東流急橋上客紛如織把英雄
老盡有誰知得金斗未懸蘇季印綠苔空漬相如筆又
平明衝雨入京門情何極

又寄磁下諸公

楓落衡漳猶記得離觴鯨吸驚又見宮槐禁柳綠陰如